



VIII GOVERNO CONSTITUCIONAL  
MINISTÉRIO DA SAÚDE

**Termo Avizu Konkursu Públiku Rejime Jeral Ministério Saúde**

1. Bazeia ba Decreto Lei No. 22/2011 data 8 Junho, ne'ebé altera Dekretu Lei no 34/2008, de 27 de Agosto, konaba konkursu rekrutamentu, selesaun i promosaun pesoal ba administrasaun pública, iha artigo 9 pontu 1, konaba kompetensia Komisaun Funksaun Pública ba abertura konkursu rekrutamentu pesoal ba kareira rejime jeral funsaun pública no selesaun por mérito ba kargos komisaun de servisu, artigo 14, pontu 1 konaba kompetensia Juri ba realizasaun operasoens prosedimentus ba konkursu, pontu 2 konaba apoio nesesario ba operasoens konkursu, relasiona ho elaborasaun no koresaun ba provas.
2. Despaxu Prezidenti Komisaun Funksaun Pública numeru 9624/2022/PCFP data 6 de Abril 2022 konaba Fixar Kompozisaun membrus painel Juri ba prosesu rekrutamentu iha Ministério Saúde no determina abertura ba konkursu no entrega operasoens ba presidente painel juri.
3. Konkursu públiku ida ne'e tuir número referênsia hanesan tuir mai ne'e :

No. Ref.	<i>CPI / A / 36 / 2022</i>
Pozisaun	Ofisial Jestaun Finansas no Kontabilidade
Kategoria Grau	Tekniku Profesional/D
Saláriu kada fulan	US\$ 272.00
Tipu Konkursu	Públiku
Modalidade	Permanente
Metodu Selesaun	Karatér Eliminatoriu : Avaliasaun Kurikular, Prova Kuñesimentu, Entrevista Profesional
Numeru Vaga	6 (nen)
Fatin Servisu	Servisus Sentrais Ministériu Saúde
Responsabiliza ba	Diretor Nasional Orsamentu e Jestaun Finanseira MS

**A. Deskrisaun Funksaun Komun :**

Atu garanti funksionamentu jestaun finanseira iha Ministériu Saúde especialmente pagamentu, servisu kontabilidade no kontrolu interna, maka pozisaun hanesan ofisial jestaun finansa importante tebes hodi kontribui ba desempeñu jestaun finansa iha Ministériu Saúde. Oficial ne'ebé rekrutadu iha pozisaun refere sei halo relatóriu superior irarkiku no asumi responsabilidade hodi asegura katak tranzaksaun finansas sira hotu ne'ebé relasiona ho **Pagamentu, Kontabilidade no Kontrolu Interna** ba MdS-nia Divizaun sira lejítimu, tuir limitasaun osamentu, aprova ho loloos, no hatama ba sistema FreeBalance, selu no halo absolvisaan tuir tempu determinadu. Oficial jestaun finansa sei serbisu besik chefe departementu no ofisial senior sira iha area jestaun finansa pública nian, hodi asegura katak

prosedimentu jestaun finansa nia ne'ebé iha relasaun ho MS-nia Divizaun sir abele implementa ho efikás, eficiente no haktuir governu-nia regulamentu no lei sira.

## **B. Deskrisaun Funksaun Espesifiku :**

1. Halo verifikasaun ba pedidu pagamentu hodi asegura katak pedidu ne'e loos no kódigu ne'ebé uza mós loos molok kria PR/CPV hodi hatama ba FreeBalance.
2. Revé hodi asegura "pagamentu ne'ebé hakerek ba CPV ho liman" hanesan ho planu aprovizionamentu ba kada MS-nia Divizaun sira.
3. Kolabora ho Divizaun sira kona-ba pedidu ba pagamentu hotu-hotu no komunika ho sira kona-ba sala ruma ka karik presija iha mudansa ruma.
4. Tulun buka hetan verifikasaun no asinatura aprovasaun ba pagamentu hotu-hotu.
5. Halo kópia ba dokumentu pagamentu hotu-hotu wainhira rejista no hetan autorizasaun ona molok hatama ba Departamentu Pagamentu MF, hodi halo "Jestaun ba Rejistu" iha DNOGF.
6. Revé MS-nia Divizaun sira nia absolvisaun hodi haree valór no kódigu sira korektu no hanesan ho fatura sira ne'ebé iha aneksu.
7. Komunika ho MS-nia Divizaun sira kona-ba sala ruma ne'ebé hetan iha absolvisaun.
8. Asegura katak absolvisaun hotu-hotu entrega ba Departamentu Pagamentu MF nian tuir tempu determinadu hodi prosesa.
9. Asegura katak funsionáriu / departamentu / divizaun sira haktur regra kona-ba uza osamentu no RDTL-nia regulamentu no lei finansa sira.
10. Sira sei haktuir instrusaun sira ne'ebé hakerek iha Matadalan Instrusaun Finansas no Prosedimentu Administrasaun Finansa Padronizada.

## **C. Rekezitu Selesaun**

### **1. Rekezitu Jeral**

- a. Sidadaun Timor Leste, feto ka mane ho idade minimu 17 anos no máximu tinan 55 anos, ne'ebé komprova ho Kartaun Eleitoral, Bilhete Identidade no Sertidaun Nasimentu RDTL;
- b. Kondisaun fiziku no mental ne'ebé diak, komprova ho Atestadu Médiku husi HNGV (Submete antes atu entrevista);
- c. Hahalok diak, la komete krime, komprova ho sertifikadu "Bom Comportamento" husi Ministério da Justiça;
- d. La hetan demisaun husi Instituisaun Estadu/Públiku;
- e. Demonstra domíniu iha minimu lingua ofisiais ida (Tetum ka Portugues);
- f. Kopia Kartaun Vasinasaun COVID-19

### **2. Rekezitus Espesifiku**

- a. Lisensiatura iha área Ekonomia ; Jestaun, Kontabilidade, Estudu Dezenvolvimentu;

- b. Esperiência tinan 3 servisu iha pozisaun hanesan ofisial finansa iha setór públiku ka agensia dezemvolvimentu sira, ne'ebé prova husi rekomendasaun entidade ne'ebé servisu
- c. Familiar ona ho sistema Government Resource Plan (GRP) ou freebalance iha pagamentu no relatóriu jestaun finansas.
- d. Koñesimentu iha lian Inglês no Indonésia no mos lian sira seluk hanesan vantajen;

#### **D. Kualifikasaun Adisionál**

##### **Atributu Profisionál :**

1. Inisiativa;
2. Espiritu Ekipa;
3. Komunikasaun no kordenasaun diak;
4. Habilidade no planeamentu;
5. Iha koñesimentu médiu iha area informatika microfot office;

##### **Atributu Pesoál :**

1. Integridade;
2. Determinasaun e flexibilidade;
3. Responsabilidade;
4. Autodisiplina;
5. Onestidade;
6. Kompromisu;
7. Respeitozu/a;
8. Lealdade;
9. Konfidencialidade;
10. Kreatividade;
11. Akomodativu;

#### **E. Kompozisaun Júri**

1	Presidente Juri	Jose Magno Mouzinho	MS
2	Vogal	Aida Imaculada da C. A. Duca	MS
3	Vogal	Jose da Costa Guterres	MS
4	Vogal	Luis Celestino Correia	MS
5	Suplente	Sonia Filipe	MS
6	Vogal	Isabel Maria das Neves	CFP
7	Suplente	Diana Cecília da Costa	CFP

## **F. Métopu Selesaun**

Faze 1 – Avaliasaun Kurikular

Faze 2 – Prova Eskrita

Faze 3 - Prova Entrevista

- Faze Avaliasaun Kurikuler, ba kandidatu ne'ebé prienxe requezitus, pasa ba faze eskrita. Kandidatu ne'ebé la liu iha faze ida sei elimina ba faze seguinte;
- Faze Prova Eskrita, ba kandidatu ne'ebé maka hetan valor 60 ba leten kasifika Aprovadu ba Faze Entrevista/prova oral;
- Klasifikasaun sei rezulta husi média aritmética simples entre klasifikasaun ne'ebé Kandidatu hetan husi faze selesaun hotu, iha eskala entre 0 a 100 pontos. Sei konsidera atu Kandidatu ne'ebé hetan klasifikasaun iguais ka superior a 60 pontos.

## **G. Programa Prova Eskrita & Entrevista Profesional :**

### **1. Programa Jerál 25 %**

1. Konstituisaun Repúblika Demokrátika Timor-Leste;
2. Lejislasaun ligadu ho Administrasaun Públiku;
3. Historia Timor;

### **2. Programa Espesifiku 75 %**

1. Organigrama Ministério da Saúde no Dipolma Strutura Ministério da Saúde;
2. Koñesimentu Profisionais iha área jestaun finansa pública no kontabilidade;
3. Planu Estratéjiku Nasional ba Seitor Saúde 2011-2030;

## **H. Mekanismu Submisaun Dokumentu Aplikasaun**

Dokumentu ne'ebé sei submete kompostu husi :

1. Karta rekerimentu ne'ebe diriji ba Ex<sup>mo</sup>. Presidente do Juri, asina hosi rekerente (Hare exemplu);
2. Curriculum Vitae (CV) hakerek ho lian tetun ga Português no asina husi referencia/ testamuñia nain 2 (testamuñia labele familia : Aman, Inan, Alin, Maun, Bin, Laen, Fen);
3. Kópia Diploma legaliza Orijinal husi Ministério Ensinu Superior Siensia i Kultura;
4. Kópia Sertidaun Moris RDTL Kandidatu nian.
5. Kópia Kartaun Eleitoral Kandidatu nian;
6. Kópia Kartaun Billete Identidade Validu Kandidatu nian;
7. Kópia Atestadu Médiku husi Hospital Nasional Guido Valadares (Lori Orijinal hatudu iha lorion Entrevista, karik pas aba Entrevista);
8. Kópia Bom Comportamento Validu husi Ministério Justiça (Lori Orijinal hatudu iha lorion Entrevista, karik pas aba Entrevista);
9. Foto kópia sertifikadus treinamentu iha area relevante refere;

10. Esperiência Servisu iha Área Finansas mínimu Tinan 2, aneksa ho kontratu;
11. Foto koloridu ho medida 3 x 4, tahan 1
12. Kópia sertifikadu vasina ne'ebé atualiza iha RSETL (Rejisto Saúde Elektonika Timor Leste);
13. Deklarasaun livre prosesu disiplinar husi Sekretaria Comisaun Funsau Públika (SCFP) – Diresaun Nasional Etika, Disciplina no Prosedimentus Administrativa(DNEDPA) karik rekerente hanesan funsionário permanente.
14. Dokumentu submete iha map Azul Leve, Hakerek naran no numeru Referensia;
15. Dokumentus hirak ne'e entrega iha Departamento Provizaun Rekursus Umanus Diresaun Nasional Rekursus Umanus Servisus Sentrais Ministério da Saúde Edifísiu Palácio das Sinzas Kaikoli Dili, hahu 01 to'o 21 Junho 2022 oras 09.00 to'o 17.00. se karik iha dúvidas ruma bele kontaktu liu husi número telf. 3313634

#### **I. Avisu Resultadu**

Lista Kandidatu admitidu konkursu husi avaliasaun kurikular, prova eskrita, entrevista professional, no resultadu final sei pública iha webside Komisaun Funsau Públika [www.cfp.gov.tl](http://www.cfp.gov.tl) no Website Ministeriu Saúde, [www.ms.gov.tl](http://www.ms.gov.tl)

Dili, ~~26~~ Maio 2022



José Magno Mouzinho  
Presidente Juri